



Sarajevo, 16.09.2021. godine

Broj: 06-06-2-979-2/21

**Predmet:** Poziv za učešće na edukaciji „Škola vanjskotrgovinskog poslovanja“

Poštovani/a,

Veliko nam je zadovoljstvo obavijestiti bh. poslovnu zajednicu, te Vam ovim putem uputiti poziv za učešće na edukaciji „**Škola vanjskotrgovinskog poslovanja**“ u organizaciji Vanjskotrgovinske komore Bosne i Hercegovine, koja počinje **18.10.2021. godine** i traje do februara 2022. godine (kompletan program škole se nalazi u prilogu ovog poziva).

VTK BiH je uspješno realizirala dva ciklusa ove škole u periodu od 2018. do 2021. godine. Veliko interesovanje bh. poslovne zajednice za temama koje čine nastavni plan i program ove škole, najveća su motivacija VTK BiH da ponovno pokrene „Školu vanjskotrgovinskog poslovanja“. Ova škola je razvijena s ciljem pružanja savremenog i praktičnog treninga uposlenicima bh. kompanija, bavi se svim praktičnim aspektima vanjske trgovine, orijentisana je ciljnim grupama i realizira se kroz efikasne nastavne jedinice.

Razvoj vanjske trgovine Bosne i Hercegovine je proteklih nekoliko godina bio veoma pozitivan, a većina kompanija u zemlji učestvuje direktno ili indirektno u vanjskoj trgovini. Aktivna potraga za novim direktnim kupcima, klijentima i dobavljačima u inostranstvu predstavlja poseban izazov i zahtjeva dodatne kvalifikacije i kontinuirano stručno osposobljavanje uposlenika bh. kompanija kako bi ostali konkurentni sa uslugama i proizvodima na međunarodnom nivou.

Visokokvalificirani treneri i efikasno upravljanje kvalitetom „Škole vanjskotrgovinskog poslovanja“, garancija su uspjeha za sve učesnike. Imajući u vidu značaj, obim i ambicije samog projekta, velika nam je čast i zadovoljstvo informisati Vas da su pripremu realizacije projekta podržale brojne institucije, visokoškolske ustanove i kompanije iz privatnog sektora.

### **Nastavni plan i program škole & Dinamika realizacije**

Nastavnim planom i programom predviđena je realizacija „Škole vanjskotrgovinskog poslovanja“ kroz 49 školskih sati ili ukupno 10 (deset) dana edukacije, a prema dinamici koja predviđa 2 (dva) dana edukacije mjesečno, od oktobra 2021. do februara 2022. godine. Detaljan pregled planirane dinamike realizacije škole, sa satnicom, nalazi se u Programu (prilog).

### **Način održavanja nastave**

Nastava će biti održana u prostorijama VTK BiH u Sarajevu (velika sala), uz maksimalno pridržavanje sigurnosnih mjera, preporuka i naredbi nadležnih zdravstvenih institucija i kriznih štabova (maske, dezinfekcija, distanca, itd.). S tim u vezi, broj učesnika škole je ograničen na maksimalno 20 polaznika.



### Kotizacija za učešće u školi

Cijena kotizacije za učešće u školi, po polazniku, iznosi **1.000,00 KM + PDV**.

#### **U cijenu je uključeno:**

- Prisustvo predavanjima/nastavi (49 školskih sati/10 dana)
- Prezentacije/Materijali predavača
- Certifikat VTK BiH
- Ručak i osvježenje na pauzama (10 dana)
- Pribor i radni materijali

### Uslovi i način prijave učešća

Zainteresirani polaznici prijavu mogu izvršiti popunjavanjem **online prijavnog obrasca**. Krajnji rok za podnošenje prijave je ponedjeljak, 11.10.2021. godine do 12:00 sati. Organizator zadržava pravo otkazivanja ili prolongiranja edukacije, u slučaju da ne bude prijavljen dovoljan broj polaznika za pokretanje škole.

### Nekoliko napomena

- U slučaju da kompanija/institucija/organizacija želi izvršiti prijavu 3 (tri) ili više kandidata, moguće je odobriti popust na cijenu kotizacije, koja se dogovara direktno sa organizatorom.
- U cijenu kotizacije nisu uključeni troškovi prijevoza i smještaja kandidata, te se isti finansiraju o vlastitom trošku.
- Uplata kompletnog iznosa kotizacije je obavezna prije početka nastave i troškove kotizacije nije moguće refundirati za one kandidate koji odustanu od pohađanja nastave ili prestanu dolaziti na predavanja.

Vaša kontakt osoba za sve dodatne informacije u vezi sa ovom školom je gospodin Mirza Konjo, saradnik za edukaciju u Vanjskotrgovinskoj komori BiH i voditelj projekta.

Telefon: +387 33 566 204 ili +387 33 566 200

E-mail: [mirza.konjo@komorabih.ba](mailto:mirza.konjo@komorabih.ba)

Iskreno se nadamo da ćete prepoznati značaj organizacije jednog ovakvog događaja i da ćete svojim učešćem uveličati realizaciju edukacije.

S poštovanjem,



Dr.sc. Elma Kovačević-Bajtal  
Vanjskotrgovinska komora BiH  
Direktorica Instituta za edukaciju

Prilog:

- Program „Škole vanjskotrgovinskog poslovanja“
- Pregled predavača u okviru „Škole vanjskotrgovinskog poslovanja“

